

文淵閣

影印

四庫全書

影印

文淵閣四庫全書

第三五六冊

北京出版集團公司  
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印  
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.  
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

# 本冊目次

平定金川方略

清來保等撰……………一

# 欽定四庫全書

史部  
平定金川方略  
御製序  
卷一  
目錄

詳校官編修臣曹振鏞  
編修臣裴謙覆勘

總校官進士臣繆琪

校對官學正臣李巖

謄錄監生臣于希賢

## 欽定四庫全書

御製平定金川方略序

金川方略纂輯既竣諸臣以

聖祖平定朔漢方略

御製序文之例為請夫所謂方略者非遙執事權掣其肘

而矜自用千里請戰之謂也惟天子將將將將之道

無他信賞必罰而已夫以一隅之不靖徵發士旅飛

輓弱糧驛騷率及數省舉億兆生靈之命委之一將

欽定四庫全書

平定金川方略  
御製序

而攻守失據險易弗知急公事而棄時日失士心而

張賊勢甚或擒敗為功逋逃告捷此而不誅時乃失

罰至夫盡臣宣力盡瘁馳驅金石可孚豚魚斯格成

勞卓越則車服以庸之旗常以紀之稽績逮於行間

執秩陳於幕府酬庸之典孰大於是此而不酬時乃

慘賞且夫天討有罪叛則誅而服則舍兵革非快意

之圖慘殺違好生之道然非其悔禍誠切向化革心

顧以姑息為包荒旋撫旋叛蔓延益熾雖由司事者

動乏成算而廟堂之無策亦已甚矣朕有鑒於大權  
之不容旁貸有罪不赦有功必錄既朕不誅命討一  
出於事理之當然而實無容心焉此兩年中宵旰憂  
勤始終勿懈保大定功之本意而編集之不可以已  
也若乃指授機宜視


皇祖之親勤鑒馭固無由仰企萬一而金川夙隸職方亦  
非噶爾丹絕漠狡寇可同日而語要之行師者保邦  
之大事爰允所請升言以示來許

欽定四庫全書

平定金川方略  
御製序

乾隆十七年六月十五日

金川圖



金川圖說

金川為氐羗種類與董卜韓胡宣慰司同族明代有哈衣麻衣喇嘛者得封演化禪師領受印信

國朝康熙六十一年土舍色勒奔初傾心向化令其頭目赴川投誠遵奉調遣撥發土兵五百名隨大軍巡查羊筒克著勤勞撫<sub>臣</sub>塞爾圖提<sub>臣</sub>岳鍾琪委以副長官司職銜令管理駐牧事務雍正元年督<sub>臣</sub>年羹堯請授為安撫司得

欽定四庫全書

平定金川方略  
金川圖說

旨俞允部給印信號紙乾隆七年色勒奔初病故以其子莎羅奔承襲其地距保縣五百九十里東與木坪董卜土司接壤二百四十里南與沃日接壤三十里西與扣色吉生番接壤一百二十里北與雜谷接壤三百里皆崇山峻嶺鳥道羊腸一出陶關即有竹索橋絕險最為難渡其巢穴有二一在勒歪一在刮耳崖相距約一百二十里瀘河經其中沿河崇山峭聳不容馳驟稍平處即係番人耕種之

地碉樓石卡夾峙其間瀘河發源志乘無考由郭

羅克會綽斯甲之水繞日傍山入金川界過勒歪與小金川諸山至章谷會合由木坪大河入瀘定橋水勢不一平處則用皮船遇灘則負船盤灘沿岸而過方可乘舟自刮耳崖橋至卡撒約四十餘里其間有左梁右梁阿利丹噶木岡昔嶺色爾力木達諸山俱干霄蔽日壁立萬仞在在皆番碉番卡自為守禦至昔嶺盡處即刮耳崖巢穴碉高寨

欽定四庫全書

平定金川方略  
金川圖說

厚環以平房背負崇山左右皆係石崖前臨大河近巢穴十餘里道路尤險於石崖之上架木為棧僅容一人馬驟則去鞍以繩懸繫扶拽而行自勒歪至黨壩約五十餘里中有木耳金岡革什戎岡黨噶日傍諸山近巢數里皆土崖夾石臨河陡立勒歪巢穴堅固寬廣倍於刮耳崖亦環以民居中有一溝直通美臥其道路較刮耳崖稍為平敞至於風土情形大都種青稞蕎麥孳畜牛羊砌屋建

砌不加藩柵食則糲粃飲則乳酪山茶富者衣繒

繒綾綺餘皆毛毯羊皮供養番僧不知醫藥慎重

誓盟刻木為信灼羊膀扯索卦以卜吉凶葬則或

水或火惟喇嘛之言是聽婚姻論財以牛羊馬匹

為聘男女相悅則攜手共唱番歌飲酒為樂名曰

跳鍋庄其性嗜利好鬪輕生易死履絕壁險崖若

康莊然凡重物俱背負而不知肩挑女子耳帶大

環男亦垂鉞自十二歲以上皆腰插短刀兵丁則

欽定四庫全書

平定金川方略  
金川圖說

三

左手探一鐵袖以為甲習鎗矛弩箭不善弓矢重

山疊嶂霧重風高山嵐瘴氣多寒少暑春夏雨雪

經旬累月罕有晴時每雨則霹靂大作電光中皆

有聲至八九月間始得晴霽隆冬積雪丈餘山谷

瀰漫堅冰凝結道路不通惟乾隆十四年春經略

大學士忠勇公傅恒在營時天氣晴和雨雪稀少

向來積雪之山深不盈尺春光照人無復陰霾之

象番民咸稱從來罕見良由

皇威遠播吉事有祥天意與人心膂合故也

附陶關以外隣近金川各番部落

陶關以外即瓦寺安撫司桑朗容忠其先於明代

世襲土職順治九年曲翊仲歸誠授職傳至桑朗

溫愷屢効勤勞得受功加遊擊職銜駐牧之地曰

草坡距汶川縣城二十里西與沃日北與雜谷接

壤

雜谷安撫司蒼旺即吐番之裔康熙十九年板第

欽定四庫全書

平定金川方略  
金川圖說

四

兕吉歸誠授為安撫司駐牧之地曰雜谷距保縣

城五十里南與金川瓦寺比隣北與吐番接壤今

分為三家管理番民一曰梭磨副長官司勒爾悟

其父囊索加布於雍正元年歸誠授職一曰土舍

良爾吉以非土司故未請給印信號紙一曰沃日

土女澤爾吉其先於明代世襲為沃日灌頂淨慈

妙智國師傳至黑兕加於順治七年歸誠駐牧之

地曰沃日距保縣五百五十里南與木坪比隣北

與金川接壤

小金川在明代曰金川寺演化禪師傳至吉兒卜細於順治七年歸誠授職駐牧之地曰美諾距保縣五百九十里東與沃日比隣西與金川接壤明正宣慰司堅參德昌其祖蛇蜡喳吧於康熙五十年歸誠授職駐牧打箭爐東與天全州連界西與裡塘接壤

木坪宣慰司堅參囊康其祖達結祖烏兒結於康

欽定四庫全書

平定金川方略  
金川圖說

五

熙元年歸誠授職其地東與天全州連界北與沃

日接壤

革什咱安撫司扎什羅爾布其祖登進鄒祖額魯

七立於康熙四十年歸誠授職其地西與綽斯甲

北與小金川接壤

綽斯甲安撫司策丁丙朱其祖資立於康熙四十

年歸誠授職其地東與雜谷南與金川接壤以上

諸番風土情形大都相似惟瓦寺木坪附近內地

稍知禮法習俗間有與內地相同者此外西路尚

有郭羅克三阿樹羊崗阿壩等大小部落南路尚

有裡塘巴塘德爾格忒霍耳孔撒麻書等三百餘

種皆與金川遙隔故不備載

臣等謹按西南諸蠻有虞氏之苗裔之鬼方西

漢之夜郎靡莫邛笮焚爨之屬皆是也其為王

朝役使自周武王時孟津大會而庸蜀羌髳微

盧彭濮諸蠻皆與焉其後楚莊驕王滇而秦開

欽定四庫全書

平定金川方略  
金川圖說

六

五尺道置吏沿及漢武置都尉縣屬仍令自保

此即土官土吏之權與歟有明踵元故事分別

司郡州縣額以賦役法制略備我

朝幅幘之廣曠古未有窮髮不毛之域莫不虔奉聲教

稽顙稱臣西南諸蠻次第歸誠悉依舊制撫綏

義取羈縻勿絕而已夫治蠻之道雖曰以不治

治之然而奸宄桀黠之徒夜郎自大恃其險遠

妄思蠶食隣封中朝置之弗問弱肉強食久且

重滋邊釁若唐之吐蕃回紇為患何可勝言語

曰為虺弗摧為蛇將若何則不庭之討亦勢所不得已焉耳金川雄視諸番鴟張吞噬觀其侵犯牛毛章谷占據小金川潛窺爐地意豈止修小怨於隣封擁甲兵以自固而已及乎

天威所至拉朽摧枯力屈勢窮頓顙歸命悉還諸番之侵地永矢六事以輸誠俾苞孽無滋根株盡淨

邊徼享敕寧之福番蠻絕烽火之虞事出萬全

欽定四庫全書

平定金川方略  
金川圖說

七

功成永定雖興師二載不無勞費然懲創之功又曷可少哉

恭

進平定金川方略表

經筵講官太子太傅議政大臣領侍衛內大臣武英殿學士務府總

管兼管兵部事務紀錄二次臣來保等誠惶誠恐稽首頓首

上言

聖武丕彰震遐方而底定

皇猷遠播紀偉績以昭垂

威與德以兼施永靖要荒之域

欽定四庫全書

平定金川方略  
進表

一

言以功而益著聿開韜略之函澤洽西陲書傳右史  
竊惟盛世非無征伐建威所以銷萌至神自裕機  
權籌遠即堪示後是以周王協謀尚父用傳金匱  
之編宋廷分賜邊臣亦有環珠之要廓清所著懿  
懌斯垂及

本朝而控馭尤隆凡率土皆聲教所訖流沙蟠木悉  
占風航海而來烏弋黃支每屢譯重趺以至蠢茲  
莎羅奔者俗本黎獠地憑崗箐供箝馬焚僮之賦

叱駢駝櫟榆之倫恃其雄長諸番遂敢陸梁僻壤  
穴深卡壘蠶叢罕到之區山峻碣門鳥道難登之  
棧雖經疆吏之討未即挫鋒重以總戎之征尚稽  
授首魚因漏網益吹浪而沸脣雁縱驚弦肯凌颺  
而戢翅斯其怙惡實屬固悛固非小懲所能示戒  
欽惟

皇帝陛下

奉三而治

欽定四庫全書

平定金川方略  
進表

得一以貞

仁覆垓埏舉欲納諸熙皞

量函中外皆將予以薰陶爰念夫化日光天必掃此

蠻氛瘴霧

帷幄之謨獨運無煩借箸而籌

廟堂之算如神直可按圖而得臣域討賊一軍皆聲勢

飛騰爾度視師諸將盡雷風奮發玉壘輝旌旗之

色錦江流鼓角之聲謀間先誅鄉導不留管敢穴

巢必探么麼敢大夜郎作氣於風饕雪虐之中選  
鋒於墮指裂膚之候挾輶銳士麾蜚弧以登城破  
峽神丁砍蒺藜而拔寨丞相渡瀘河深入將軍從  
天上飛來固知風鶴之皆驚不信釜魚之能活於  
是哀號乞命呼籲投誠行成之使頻來納款之文  
屢至方將翦而朝食夫且厲以晨炊

帝念蕩掃非難愚蒙可憫蜀地古來少日姑莫嗔狂犬

之驚氏中久不見天且為發醢難之覆因其歸命

欽定四庫全書

平定金川方略  
進表

予以維新宣明詔於金雞遑嚴誅於銅馬忤舞直

聞六詔歡呼殆徧三巴當其請涖盟而除地環行

陣以設壇擊鉦吹螺音流梵樂鼓鼙連臂曲奏蠻

歌受明約於六條願銜恩於萬世獻朱提而滿索

添弘農得寶之章進古佛以籠龕交月氏貢香之

禮幸日雲之得覩中國其有聖乎誓頂踵以胥捐

南人不復反矣計王師壓境猶少格苗之二旬訖

露布達京正協擒么之八日從此遐陬向化奉朝

請者逾增納賁之邦荒裔聞聲祠冠帶者彌謹敬  
開之使涵四遊於一氣合萬國以同家豈非震疊  
鴻規昭赫聲濯靈於無外抑亦邊陲盛事恢幅長  
員廣於無窮凡茲偉烈悉本

宸衷疆事方殷無日不來劄奏軍書每接逐條必示機  
宜遂制勝於蠻疆宜揚輝於簡策昔者車攻采芑  
詩篇累著乎周京柳雅韓碑記載炳傳乎唐室矧  
此式光前烈可無昭示來茲共請編摩仰承

欽定四庫全書

平定金川方略  
進表

四

俞允開方略之館命纂修之官按事撰文直書紀實時  
日道里之必晰芻糧器仗之必詳稿屢易而後成  
歲再更而始竣謹加釐定繕寫進

呈 臣等或曾在戎行或與聞籌畫尚愧奉行未逮敢  
稱汗馬功高深慚叅贊無從徒作跼時想茲幸  
効能鉛槧如飛矢石以揮毫重得詳究韜鈴仰見  
繅鑢之在手簡書是核非云起例發凡纂輯維勤  
庶免掛一漏百伏願

至誠常感

誕保彌殷

偃武繼以修文四海享太平之福

義正歸於仁育萬年開王會之圖臣等無任瞻

天仰

聖激切屏營之至謹奉

表恭

進以

欽定四庫全書

平定金川方略  
進表

五

聞

正總裁官

經筵講官太子侍讀學士領侍衛內大臣總理事務處總辦  
臣 來 保

副總裁官

李發達 李發達 經筵講官總理事務處總辦  
臣 舒赫德

經筵講官太子少師工部尚書  
臣 汪由敦

李發達 李發達 經筵講官總理事務處總辦  
臣 納延泰

經筵講官侍讀學士領侍衛內大臣總理事務處總辦  
臣 兆 惠

原任工部右侍郎兼管兵部侍郎事務加一級臣劉綸  
提調官

內閣侍讀軍功紀錄三次又加二級紀錄一次臣靈毓

順天府府丞加一級軍功紀錄一次臣馬燝

原任吏部郎中今陞福建布政使紀錄十次臣德舒

原任戶部員外郎今陞奉天府府君軍功紀錄次又紀錄次臣鄂寶

滿纂修官

戶部銀庫員外郎兼佐領軍功加三級紀錄次又加三級紀錄次臣常亮

欽定四庫全書

平定金川方略  
通表

六

戶部員外郎軍功紀錄三次又加二級紀錄次臣安福

內閣侍讀世襲雲騎尉軍功紀錄二次又加二級紀錄次臣富察善

原任內閣中書今陞廣西桂林府同知軍功紀錄次又紀錄次臣景宣

原任內閣中書今陞蘇州府同知軍功紀錄次又加級紀錄次臣官登

原任內閣中書今陞肅州府理事同知軍功加三級紀錄次又紀錄次臣顯

原任大理寺評事今陞山西汾州府同知軍功紀錄四次臣圖桑阿

漢纂修官

內閣侍讀軍功紀錄二次又加一級紀錄三次臣楊承曾

候補內閣侍讀軍功紀錄二次又加一級臣袁芳松

主事銜倉庫機處行走軍功紀錄次又加職銜級又加級臣畢誼

內閣中書軍功紀錄一次又加一級紀錄次臣胡廷樞

內閣中書軍功紀錄二次又加一級紀錄三次臣曹錫寶

內閣中書軍功紀錄二次又加一級紀錄三次臣莊培因

原任順天府府丞今陞兵部右侍郎軍功三級又加一級紀錄次臣胡寶琮

原任內閣中書今陞江西安府知府軍功加三級紀錄次臣沈作朋

收掌官

欽定四庫全書

平定金川方略  
通表

七

內閣侍讀軍功紀錄二次又加一級紀錄次臣覺羅巴延三

宗人府主事軍功紀錄一次又加二級紀錄次臣哇朝棟

宗人府主事軍功紀錄一次又加二級紀錄次臣毛永燮

兵部筆帖式軍功紀錄二次又加三級臣薩壁

繙譯官

戶部郎中加一級紀錄一次臣徐綿

戶部員外郎加二級紀錄三次臣輔德

原任戶部郎中今陞福州副都統紀錄十六次臣曹瑛

滿騰錄官

生

員臣覺羅滿喜

生

員臣滾親

官

學

生臣覺羅福祝

官

學

生臣覺羅哈福納

官

學

生臣覺羅爾康德

官

學

生臣德克進

官

學

生臣杜爾松阿

欽定四庫全書

平定金川方略  
進本

義

學

生臣阿林

義

學

生臣廣泰

義

學

生臣金齊獻

漢騰錄官

翰林院待詔加一級紀錄二次臣申大年

庶吉士加一級紀錄二次臣李承瑞

舉人候選知縣臣金修仁

舉人揀選知縣臣段元鉞

舉

人臣周鳳岐

廩生捐職縣丞臣張若翼

監生捐職鹽大使臣杜霖

監生考職主簿臣陳延嗣

監生考職吏目臣張鴻猷

監生考職吏目臣戴緝

監生考職吏目臣張顧霖

監生考職吏目臣戴有容

欽定四庫全書

平定金川方略  
進本

監

生臣周兆蛟

欽定四庫全書

史部三

平定金川方略目錄

紀事本末類

卷一

乾隆十一年十一月初二日至十二年三月二

十四日

卷二

乾隆十二年四月初四日至六月十七日

卷三

欽定四庫全書

平定金川方略  
目錄

乾隆十二年七月二十六日至九月三十日

卷四

乾隆十二年十月初四日至十二月十九日

卷五

乾隆十三年正月初十日至三月初二日

卷六

乾隆十三年三月初三日至五月十二日

卷七

卷八

乾隆十三年五月十五日至六月十五日

乾隆十三年六月十六日至七月初十日

卷九

乾隆十三年七月十一日至閏七月十七日

卷十

乾隆十三年閏七月十九日至二十八日

卷十一

欽定四庫全書

平定金川方略  
目錄

乾隆十三年八月初二日至二十四日

卷十二

乾隆十三年八月二十五日至九月十三日

卷十三

乾隆十三年九月十九日至二十九日

卷十四

乾隆十三年十月初一日至二十二日

卷十五

乾隆十三年十月二十三日至十一月初十日

卷十六

乾隆十三年十一月十一日至二十二日

卷十七

乾隆十三年十一月二十三日至二十八日

卷十八

乾隆十三年十一月二十九日至十二月初八日

卷十九

欽定四庫全書

平定金川方略  
目錄

三

乾隆十三年十二月十一日至二十日

卷二十

乾隆十三年十二月二十一日至二十九日

卷二十一

乾隆十四年正月初一日至十三日

卷二十二

乾隆十四年正月十四日至二十五日

卷二十三

乾隆十四年正月二十七日至二月十二日

卷二十四

乾隆十四年二月十四日至二十五日

卷二十五

乾隆十四年二月二十六日至三月十三日

卷二十六

乾隆十四年三月十四日至十五年十二月十二日

日

欽定四庫全書

平定金川方略  
目錄

四

卷二十七

御製詩文

卷二十八

藝文

卷二十九

藝文

卷三十

藝文

卷三十一

藝文

卷三十二

藝文

臣等謹案

欽定平定金川方略三十二卷乾隆十三年大學

士來保等恭撰

奏進凡二十六卷後恭錄

欽定四庫全書

平定金川方略

五

御製詩文一卷又附載諸臣紀

功詩文五卷金川土司在四川徼外本吐蕃之遺種

即明史所謂金川寺者是也

國朝康熙中其土舍色勒奔初慕化歸誠奉職

維謹雍正中

頒給印信號紙俾世守故疆其子郎卡襲職漸肆鴟

張稍搏噬其族類守臣請加征討以寧九姓

之宗我

皇上以荒憬蠻貊自相蠶食不足以勞我六師惟

初慎固邊圉以防其變而沙羅奔狼性原貪鷄音

弗改不思緩行九伐為寬以悔過之途仍肆

凶殘自于

天討乃于乾隆十三年冬

特簡大學士傅恒為經畧董率熊罷剪除蛇豕靈

變聲震山鬼伎窮掃穴焚巢在于指顧始知

螳螂之臂不足抗拒雷霆窮蹙乞降籲呼請

欽定四庫全書

平定金川方略

六

命于時桓桓七萃猶思直斬樓蘭而我

皇上聖度符天宏開湯網閔其知罪許以自新

特詔班師貸存餘息計自禡牙以迄飲至往返一

二萬里為期不及兩年蓋終沙羅奔之身踣

伏荒巖莫敢吹虺毒厲豺牙焉雖文王因壘

而崇降舜帝舞干而苗格

豐功盛德何以加于茲乎其間決機制勝悉稟

睿謨是編所載